

А ж р и м
(жазони ўташдан муддатидан илгари шартли озод қилиш ҳақида)

2024 йил 5 август куни Қумқўрғон туман судининг ўз биносида очиқ суд мажлиси бўлиб, шу суднинг раиси Б.Тагаевнинг раислигида, судья ёрдамчиси М.Қурбонованинг котиблигида, тарафлардан Қумқўрғон туман прокурори ёрдамчиси К.Тўрақулов, Қумқўрғон туман ИИБ ЖХХ Пробаця гуруҳи инспектори А.Қосимовнинг иштирокида, Қумқўрғон туман ИИБ маъмуриятининг маҳкум З.Хайриддиновга нисбатан тайинланган барча турдаги транспорт воситаларини бошқариш ҳуқуқидан маҳрум қилиш қўшимча жазосининг ўталмаган қисмидан муддатидан илгари шартли равишда озод қилиш тўғрисидаги тақдимномасини кўриб ва маҳкумнинг № 1-1908-2401/4-сонли йиғма жилдини ўрганиб чиқиб, қуйидагиларни

а н и қ л а д и :

Хайриддинов Зайниддин Саидахмат ўғли, 1995 йил 24 февраль куни Қумқўрғон туманида туғилган, миллати ўзбек, маълумоти ўрта-махсус, оилали, бир нафар фарзанди бор, Ўзбекистон фуқароси, муққаддам судланмаган, ҳеч қаерда ишламаган, Қумқўрғон тумани, Истиқлол маҳалласида яшайди.

Жиноят ишлари бўйича Қумқўрғон туман судининг 2024 йил 10 январь кундаги ҳукмига асосан Ўзбекистон Республикаси Жиноят кодекси 266-моддасининг 1-қисми билан айбли топилиб, Жиноят кодекси 45-моддасига қўлланиб 1 йил 6 ойга барча турдаги транспорт воситаларини бошқариш ҳуқуқидан маҳрум қилган ҳолда 10.800.000 сўм жарима жазоси тайинланган.

Тайинланган қўшимча жазонинг : 6 ой 14 куни ўталган,
11 ой 16 куни ўталмаган.

Қумқўрғон туман ИИБ бошлиғи тақдимнома билан мурожаат қилиб маҳкум З.Хайриддиновни тайинланган барча турдаги транспорт воситаларини бошқариш ҳуқуқидан маҳрум қилиш қўшимча жазонинг ўталмасдан қолган қисмини ўташдан муддатидан илгари шартли равишда озод қилишни сўраган.

Маҳкум З.Хайриддиновнинг йиғма жилдида тўпланган ҳужжатларга кўра, унинг ижобий томондан тавсифланиши, жазони ўташ даврида меҳнатга ҳалол муносабатда бўлганлиги, белгиланган тартиб-қоида талабларига тўлиқ риоя қилганлиги, барча турдаги транспорт воситаларини бошқариш ҳуқуқидан маҳрум қилиш қўшимча жазосини ҳақиқатда ўтаб келаётганлиги, интизомий ёки маъмурий жазога тортилмаганлиги ва содир этган қилмишидан пушаймон бўлиб, ўзининг ижобий хулқи билан тўғри йўлга тушганлиги қайд этилган.

Ўзбекистон Республикаси ЖКнинг 73-моддаси 3-қисми “а” бандида маҳкум ижтимоий хавфи катта бўлмаган ёки унча оғир бўлмаган жинояти учун суд тайинлаган жазо муддатининг камида учдан бир қисмини ҳақиқатда ўтаб бўлганидан кейин жазони ўташдан муддатидан илгари шартли озод



қилиниши, шахс ижро этилмаган қўшимча жазодан ҳам озод этилиши кўрсатилган.

Шунга кўра, суд маҳкум З.Хайриддиновга тегишли йиғма жилд хужжатларини ўрганиб чиқиб, туман ИИБ ЖХХ Пробаця гуруҳи инспектори А.Қосимов ва прокурор ёрдамчисининг илтимосномани қаноатлантириш ҳақидаги фикрларини тинглаб, маҳкумнинг шахси ижобий тавсифланишини, жазо ўташ даврида меҳнатга ҳалол муносабатда бўлиб келганлигини, жазони ўташ тартиб-қоидаларига тўлиқ риоя қилганлигини, интизомий жазо олмаганлигини, содир этган жиноятдан ўзига тегишли хулоса чиқариб олганлигини, ўз хулқи билан тўғри йўлга тушганини кўрсатганлигини, қилмишидан пушаймонлигини ҳамда суд томонидан тайинланган қўшимча жазонинг учдан бир қисмини ҳақиқатда ўтаб бўлганлигини инобатга олиб, Қумқўргон туман ИИБнинг тақдимномасини қаноатлантиришни лозим топади.

Юқоридагилардан келиб чиқиб, Ўзбекистон Республикаси Жиноят-процессуал кодекси 536, 541-моддаларини қўллаб, суд

а ж р и м қ и л д и :

Қумқўргон туман ИИБ бошлигининг тақдимномаси қаноатлантирилсин.

Маҳкум Хайриддинов Зайниддин Саидахмат ўғлини барча турдаги транспорт воситаларини бошқариш ҳуқуқидан маҳрум қилиш қўшимча жазосининг ўталмай қолган 11 (ўн бир) ой 16 (ўн олти) кундан Ўзбекистон Республикаси Жиноят кодекси 73-моддаси 3-қисмининг “а” бандига асосан муддатидан илгари шартли равишда озод қилинсин.

Ажримни ижро қилиш Қумқўргон туман ИИБ зиммасига юклатилсин.

З.Хайриддиновга жазони ўташдан муддатидан илгари шартли равишда озод қилиниб, жазонинг ўталмаган қисми мобайнида қасддан янги жиноят содир этган тақдирда Жиноят кодекси 73-моддасининг 5-қисмида кўрсатилган оқибатлар юзага келиши мумкинлиги тушунтирилсин.

Ажримдан норози томонлар ўн кунлик муддат ичида шу суд орқали Сурхондарё вилоят суди жиноят ишлари бўйича судлов ҳайъатига апелляция тартибида, ажрим қонуний кучга киргандан сўнг эса кассация тартибида шикоят келтиришга ёки прокурор протест келтиришга ҳақли.

Раислик қилувчи

Б.Тагаев

